

Այս հրաման եհաս յերուսողէմ զինի ճանապարհորդելոյ Գրիգորի Պատրիարքի 'ի Բիւզանդիոն, և միարանք խորհէին առաքել զայլ կարեւոր գրեանս . այլ մնացին առնուլ լուր ինչ բարի : Սակայն հակառակ խորհրդոցն եհաս գիր 'ի Յովհաննու Պատրիարքէ, յորում թախանձէր քահանայիւք եւ ժողովրդովք զԳրիգոր Պատրիարք փութալ դալ հասանիլ 'ի Կոստանդինուպօլիս, զի կարի տաղտկացեալ էին յերեսաց խնդրոյն Յունաց . եկ ասէին՝ կաց ընդդէմ ակոյեանի քում, զի քեզ հաւատացաւ տունդ այդ :

Եւ Գրիգոր Պատրիարք յօժարութեամբ յանձն առ կատարել զխնդիր նոցա, եւ յերկրորդ աւուր մեծի Պասեքին ընթերցաւ զգիրս յեկեղեցւոջ Ս . Յակոբայ 'ի լուր ուխտաւորաց և միարանաց, եւ որոշեաց զարս գլխաւորս յեկեղեցականաց, և կարգեաց զնոսա Տեղապահ, Փոխանորդ, Գանձապետ և Թարգման, և յանձն արար զկառավարութիւն Աթուոյն 'ի խնամս նոցա, արթուն կալ եւ ծառայել հաւատարմութեամբ և խոհեմութեամբ . և պատրաստեալ զամենայն ինչ, էջ 'ի Յոպպէ ընդ ուխտաւորս տարւոյն (1736, 'ի 6 Մայիսի) :

## Գ Լ Ո Ւ Խ Զ .

Ուղեւորութիւն Գրիգորի Պատրիարքի 'ի Կոստանդինուպօլիս : Կարեւոր գէպք որք պատահեցան անդ : Պայմանագիր Յունաց : Բնագիր Փաղղեբաբէն նամակի Կարախնայի Յիօբեայ : Վէճ Լատինաց : Կարծ Գրիգորի 'ի Կոստանդինուպօլսէ յերուսողէմ :

**ԳՐԻԳՈՐ** Պատրիարք հասեալ 'ի նաւահանդիսան Յոպպէի, դադարեաց անդ զաւուրս ինչ . ապա եմուտ 'ի նաւ ընդ ուխտաւորս (Մայիս 15), եւ պատահեալ յաջողակ հողմոյ հասին 'ի Կիպրոս . փութաց ընծայիւք Ակնցի Մարտիրոս վարդապետ 'ի նաւն, և յարգանօք մեծարեաց ըզհայրապետն : Եւ մեկնեալ անտի և ծանրանաւեալ հաղիւ